

cyrk. wuč. w Budystecach; wot 1885 cyrkw. wuč. Keřk z Rodec; 2) w D. Hórcy: 1883 Jan Bohuwěr Wrobel (Sperling), \* 28. nov. 1859 w Małej Boršći, 1880 vikar w Nowej Wsy p. Klukša; 3) w Khwaćicach: 1857 Karl Aug. Wićaz (Lehmann), \* 8. febr. 1831 w Krakecach, 1853 pom. wuč. při Mich. šuli w Budyšinje, 1855 domjacy wučer w Lutowiču.

Wobydlerstwo: Wsy Malešanskeje wosady su podobno kaž wsy susodnych wosadow hišće dobre serbske, a serbscy wobydlerjo wužiwaju a lubuja swoju maćernu řeč runje kaž jich susodža. Rodzenych Němcow je w cyłej wosadze jenož 116, wot kotrychž jenož něhdže 30 serbscy njemóža; wulcy wjetši džěl tych Němcow (83) bydli w 3 wsach: w cyrkwinskej wsy Malešecach, w nadróznej wsy Delnjej Hórcy a we přemysłownej wsy Khwaćicach. — Někotři zdžělani Serbja lubowachu abo lubuja tu po zastarjenym wašnju němčować. Tuž tež je spěwanske towařstwo w Malešecach němske a spěwaju so jeno němske spěwy, runjež su wšitke sobustawy serbske. Snadž so to nětko porjedzi.

Khwaćicy běchu tak mjenowana „swobodna wjes“, kiž je na 100 lět (1661—1759) wo swoju swobodu wojować dyrbjala; hakle 1759 dosta wjes wuswobodženje wot roboćenja, za což bě hižo 1661 poľne 4000 toleř płaćila, při čimž pod škitanje Budyšskeho tachantstwa stupi.

Wustawy: Legat H. K. z Metzrad z l. 1753 na 420 toleř, z kotrehož danje kóždolětnje farař 1 toleř a 4 najkhudše syroty šulski pjenjez a šulske knihi a při konfirmaciji serbske spěwařske dostawaju. — Legat ministra hrabje Riaucourta z l. 1794, daň wot 320 toleř za serbskich poddanow wsy Malešec.

#### XV. (19.) Minakałska wosada.

Wsy: 1) Minakał (Milkel, lisć. Milakel) z Nowym Minakałom, 2) Hatk (Teicha), 3) Wjesel (Wessel), 4) Lipič (Lippitsch), 5) Droby (Droben) z Bukowku (tež Bukowc, n. Boka, tež Bocka, nětko jenička hajnikownja, do 30-lětn. wójny wjes), 6) Khróst (Crosta, lisć. tež Cronhora), 7) Łomsk (Lomske) z korčmu w Haju (Grünbuschschenke), 8) Psowje (Oppitz, w star. lisć. Optaw) z Nowymi Psowjami (tež Njeradk, Neu-Oppitz).

Cyrkej: Kóždy njedželny a swjaty dzeń je najprjedy serbski a potom němski kemš; jenož hdyž je němska spowědz, štož je